



WEN XIN LIBRARY

01010



温州市图书馆

WENZHOU LIBRARY

01030



温州市图书馆

WENZHOU LIBRARY



温州市图书馆

WENZHOU LIBRARY

馬鞍山人詩稿 乙丑

平陽蘇椿

元旦作

絳蠟侵晨影不流
篆烟已熄五更頭
歡逢淑氣將春至
喜得晴光共煖留
親友例無三世望
藥膏權作兩年收
一家團聚男兼女
菜

甲辛盤樂勸酬 是日立春

又作

一到雞鳴歲便陳
五更燈火入年新
家家爆竹迎元日
處處衣冠拜室神
陽氣初回鞍谷樹
舊詞復譜画堂春
東風酒屠蘇暖醉
謝親朋恕懶人

欲雪

萬壑雲沉望浩然
寒風釀雪白迷天
酒樽竟有迴春力
燈火偏能

馬鞍山人詩稿

平陽蘇椿

斷俗緣何必山陰憐盡興不妨浴下數僵眠兒童度事忘冰手鬥

數(正)新壓歲錢

五日

五日堂堂去莫留韶光任待百花收狂生敢比王東臯後到善士

須如馬少游為國添丁休我笑逢場作戲漫誰尤邇來酒量同坡

老竊把三蕉替茗甌

贈朱二兄模

通家兩世聲交歡豈有綈袍戀范寒非是獨深知已感只緣道在

不疑難

雨後

新年新過雨物候一番新古樹浮空潤朝霞渡海春寒銷非酒力

菜秀豈茶神用辣滿壑東風好花時待問津

蟲

芒汁

簡懷呈鮑二表叔平君

如何咫尺地不到七年餘懶卧成疎濶窮愁致索居烟霞深痼疾

翰墨負虫臭只恐池中石頑應欲讓余

廿四窻前地春來景若何水知臭意樂風送鳥聲和煮石君如靚

煎茶我豈坡元宵將又近會共阿咸過

感興

烟霞天付靜中娛佛眼觀人莫笑迂尚父無年空釣叟公孫不遇

是豬奴須知太上憑三德敢道浮生藉一愚但恐詩腸正角盡問

誰墨計乞金壺

答客

我似雲眠屋半間日看去鳥倦飛還只緣不會為霖雨虛占浮生

夢等閑

馬安山詩高

斤工首尺喜豆改尋取二二二竟皆云云

元宵坐雨

滿地東風向暖初
良宵坐惜雨聲疎
濃雲入海深疑墨
嫩柳迎烟淺待梳
野潤管絃人樂甚
城昏燈火夜何如
老夫只益瞢騰睡
那管泥濘阻客車

中夜作

屋角雄雞叫不休
破羶坐慣五更頭
空維老子心懷玉
儘讓兒童氣食牛
實腹慙徒充稻餅
傳燈笑且續膏油
通經自古須文石
即遇弘成亦懶求

醉後

浩浩晴光照眼新
酒邊花外總宜春
鬚非宰相還遊蝨
腹不將軍亦負人
得意禽魚相並樂
忘情木石自堪鄰
當年高士空求死
為感浮名若箇真

溫州府志

幽居雜興

飽食安眠獨詠詩
人生有命笑何思
木非長者雖能樹
山是愚公始許移
古往休嗟天網漏
春來好賞日車遲
花開花落知多少
莫惹閑情又費辭

自笑

老子有酒興不孤
老子有錢愁并無
讀書頗惡偽君子
論友尚交真丈夫
業廢半由人潤落
途窮奚禁鬼挪揄
年年盡道勤能補
絕倒依然總故吾

縱筆

蔗霜佛化鄒和尚
棉布天開黃道婆
却問儒生崇講學
此中利濟竟如何

醉吟

馬安山詩高

并工省化書畫致屏取二三畫意云云

且把長歌續短歌
 一罇日遣醉顏酡
 文章獨愛天才妙
 道學何知客氣多
 四十年華拋跡落
 三千世界入婆娑
 浮生夢例昏昏似
 不奈晨鐘暮鼓何

夜讀李謫仙詩作

長夜悠悠睡何着
 挑燈起讀謫仙詩
 謫仙之才本天縱
 後何所學前何師
 道窮九淵鬼欲泣
 精駕八極神空馳
 粵擬仙佛粵遷史
 定評焉用贊一辭
 上下古今小天地
 浩歌往往哀愚癡
 歎竒歷落不我欺
 肯為造化相羈縻
 舉杯邀月酌形影
 此心直欲凌軒羲
 我讀尚覺愁盡掃
 况當興高彩烈為際
 此沉沉寒漏遲手
 忘僵冷神忘疲
 濁醪滿斗澆燥吻
 不容纖滓愁蔽虧
 乃知絕妙下酒物
 龍肝麟脯何足竒
 只恐瓶壘先我卧
 窻風隙月將人唾
 非是不怕膏油竭
 青藜會遣太乙吹
 幾迴歛忽聽雞唱
 樹容山氣侵晨熹
 山妻恐我

吻

腹苦飢浙米早作雙弓炊起坐大笑歡舉茶捲書同享沙鍋糜

詠古

昶本昌黎子生兒亦狀元如何傳姓氏乃屬改金根

松窓

讀書念不到功名竊向松窓率意評宋後儒生多習氣秦前處士
少虛聲金匱扈問周師達玉醞空懷阮步兵萬歲千秋同泯滅慢
將豆眼鬥分明

登樓

暖氣催寒盡登樓望若何春姿迴舊壑野色染新莎弱體綿裘重
潮天瘴霧多適人還自適願學畫叉坡

○小園四十韻

午夢迢然醒晴光滿小院却笑黑甜鄉塗只隔分寸起坐對芸牕

少	余	殺	何	矯	古	緬	足	依	澗	跋	境
去	福	邀	黨	逼	清	慕	供	依	長	履	幽
如	命	帝	群	苦	風	家	朝	桃	水	向	宜
箭	微	春	人	戰	高	雲	暮	杏	自	西	散
何	蚕	所	阿	妄	肯	翁	饌	花	遠	園	慢
心	絕	以	私	計	受	<small>宋蘇雲卿</small>	藜	况	微	步	茶
問	功	疾	忘	一	泄	<small>種菜自給</small>	藿	人	颺	循	潑
天	名	邪	公	成	泄	少	苟	如	冷	竹	雪
公	念	者	論	功	薦	與	自	人	冷	籬	乳
茵	人	憤	反	那	食	張	充	面	過	轉	圓
溷	生	時	稱	顧	力	浚	肥	生	好	石	篆
分	無	甘	心	萬	終	善	甘	憐	啗	磴	回
花	百	肥	學	骨	天	迨	盡	韓	鳥	綠	香
片	齡	趣	純	怨	年	後	可	鳧	啗	錢	心
不	流	此	不	失	鑿	出	遣	蝶	轉	多	縵
如	光	中	悲	足	坯	處	豈	竟	氣	土	借
傾	等	非	人	喪	逝	殊	敷	作	候	墻	酒
家	泡	矯	命	師	不	一	青	秦	寒	青	養
釀	幻	情	賤	徒	見	潛	銅	宮	煖	荔	筋
得	玉	母	豈	僂	茫	遂	海	戀	交	蔓	骸
得	顏	亦	讀	倅	茫	一	唯	四	陰	山	頓
種	難	適	孔	逃	憶	現	續	顧	陽	淺	添
園	久	其	孟	天	符	萬	水	菜	新	烟	詩
便	留	願	書	譴	離	矣	壺	青	舊	亦	骨
三	年	伊	嗜	如			傳		變	深	健

尺鴉嘴鋤此事舊來擅風波心不知險熾目無眩菜根愛甘香韭
葉耽肥嫩豈敢傲烟霞豈敢謝親串豈敢輕貉狐豈敢薄芻豢自
分百無能不鳴如木雁惟覺閉門居庶乎其无患愧輸庾信才未
免孤筆硯

杏花

花芬似杏實如梅樹滿春風葉未裁騷客慢憐人面映酒徒應愧
帽簷摧端從異苑分雲種豈共寒溪帶雪開却笑南湖老居士賞

心排日玉山頽

桃花

把酒桃花下光風透煖衫一溪春有色萬樹境非凡飯欲和香煮
杯還帶影銜從他三月水得氣送輕帆

天窓瓦

似蚌終非蚌生生托大江名還徵海月瓦獨擅天窓漆室真如炬
風櫺渾擬艘堅凝殊故紙莫笑凍蠅撞

幽居

幽居非慕靜趣得在因仍犬穴籬為竇童裁網作甯春花千嶂日
夜雨一窓燈悟徹終無物何須問鬼能

桃花歌

東風浩浩吹溪水春到千山萬山矣滿地冰銷澤腹堅連天日逐
颺輪駛梅花落後風信更笛聲吹出桃花行枝枝乍見蕊爭結樹
樹新看花怒生枝枝樹樹浮香氣蕊結花生半開未如此風光肯
讓人豈學愚癡愛惜費携朋挈榼上春山洞口白雲銷等閑好鳥
迎人啼樹外飛送酒落杯間坐望雲山莽迴互懶向花叢感遲暮
遮莫烟鬟魅阮郎儘拚人面憐崔護庶事渙家不識津但尋花片

温州府志

不尋春秦時境尚留明月晉代源空索解人年年盡見花依舊歲
歲終憐時不復五百先求石髓腴三千更乞蟠壽桃從此鬚眉黑
似鴉賞心排日醉流霞滿願春江都變酒重禁春樹不飛花中懷
自覺真堪笑十洲三島誰親到元氣由來本大公世人妄爾生顛
倒風流雅慕六如居徧種桃花繞屋廬只今名共江山永命薄花
神恐不如

雨過

雨過江天霽濃春入望時煖煙薰蛺蝶高柳冒遊絲日永篆銷久
風輕花落逢此中清意味惟許野人知

對月有懷

煖氣當春夜花香繞竹扉重憐新月滿偏與故人違朔雁將羣去
西鳥自獨飛山僧遙未睡磬響尚依稀

春陰

滿郭嵐光望轉沉
浮雲閣雨作輕陰
一園花氣隔簾重
何處暮鐘
隱壑深紫陌寒催
名士酒朱樓夢滯
美人心風鳶線緊
遊絲軟并
入蒼茫意不禁

春日戲作

春風不媚俗
觸處盡花萼
寄跡隣香國
藏身近酒壺
自稱都散漢
人笑老狂奴
何必慚才拙
行終是大蘇

雜詠

匝匝青山帶竹圍
夢回徐步夕陽微
幽禽戲樹時驚起
踏落殘花
撲面飛
籜龍生子芥生孫
咬破人情是菜根
惟覺春風真不世
年年一例
到閑門

溫州府志

春晴閑望

鶯聲細雨向春分
忽又峰峰入霧橫
春嶼煖浮花氣遠
海雲晴擁日華明
風流那乞金釐膾
雅淡姑思玉糝羹
十畝閑閑吾豈敢
無能庶釋此心爭

送友

送君歸故鄉
莫洒離別淚
天地等浮萍
何者孰非寄

雨中

萬壑響飛泉
春光到杜鵑
花飄青嶂雨
柳撲碧溪烟
細草初盤馬
寒衣尚擁綿
未知何處笛
吹出賣錫天

遊海上諸山

名山留萬古
異待後人搜
壑迴天地峰
峰走豹蚪
春隨花共遠
日與海爭流
笑問忘機者
如何不下鷗

春遊

遊如蝶意即景恣幽探日恐花俱暮天疑樹可叅層巒深積鐵
野水遠拖藍不作鸞鳳嘯孫登旨未諳

坐釣

沙尾占清灘臨流下釣竿直鉤吾豈敢貪餌爾何安浩浩花桃水
悠悠杏樹壇無臭心亦得庄用擬嚴韓

春行

不盡探幽趣禽聲滿樹歡溪藏花曲折寺護竹平安遠岫夕陽紫
春風空翠寒何能謝塵土得得去驂鸞

暮春即事

一味昏昏夢等閑醒來興發又看山春深到處花迷路雨暗連朝
霧隱關中酒聽殘鶯語脆懷人巡徧蘚痕斑紙錢灰濕飛難起送

溫州府志

雨望春如海濛濛盡日迷雲深園野潤霧重壓山低濕困沿堤柳
寒遲薄午雞落花憐滿地惟益燕巢泥

春晴

霽開林影迴極望不能迷日下浮鳶線花飛趁馬蹄高松晴翠滴
絕壁暮嵐齊獨愛知時鳥頻來盡意啼

春閨

春夢因春閨春風春思迷花衫飄玉蝶獸炭藝金狔鏡眉頻畫蕉
心墨懶題非關慙態別海燕本雙棲

此日足可惜示易直衡度諸兒

此日足可惜一去不能留越若地中水直到海盡頭盡處還有盡
滔滔無時休幾曾見此水萬古有還流恨我當年少歲月付優游
一心慕高蹈嗤彼千載憂謬謂黃鵠飛一舉小九州物我齊牛馬

溫州府志

乾坤等蜉蝣以酒為性命視書如仇雉坐此百事廢俯仰將誰尤
 迨今望爾輩萬一撞烟樓那禁厲生子肖偏同箕裘好嬉了日月
 取次甘悠悠爾雖心少小未知容許愁乃父過來人已悔如贅疣
 如何肯使爾居諸忠夷猶耕賈力不任雖誦宜咨諏蚤須先鳥起
 夜當後雞咻倘能正志趣實地師魯鄒何必務功名妄想衛霍侔
 讀書不識字忘八終可羞孝弟忠信禮義廉恥重念爾兄弟庶猛交躬脩聖
 經如面訓砥礪毋自偷莫以今年春去有來歲秋不知春秋逝奄
 忽如波道一往不可復問有再來不堪哀因循誤回首空悵惆少
 壯不努力容易成黃叟及茲能惕省不獨為身謀光前與耀後何
 曾在外求

春日漫興

忙者自忙閑自閑半生幾費杖頭錢論詩大獨和灰撥點易硃還

馬安山詩高

并工...

滴露研暮角不情催落日春山如笑送流年何當築得司空壙徧種桃花繞墓田

雨中

雨濛濛雲漠漠濕重殘花紅歷落黃鶯不語燕飛遲那禁寒多風色惡嫩葉作陰綠未成梨花回首春又生雙柑斗酒情何限醉向

長天祝快晴

夜雨

漠漠寒風急山中雨又生花殘春二月夢斷夜三更杜宇啼何切茅檐溜未平短檠餘照炯倚枕聽分明

春望

萬古乾坤水上萍雙丸跳擲雨初停平蕪浩浩寒煙綠遠壑茫茫暮靄青化蝶頓憐莊叟夢當花那惜屈原醒非吾作達從人笑只

恐重來不識丁

花下獨酌

春光澹沲溪南北樹底提壺催獨極坐向風中拚盡酣深杯亂浸
桃花色累日陰陰又復晴人生休負鬢絲青君不見柳眼嬌如許
冷閱長亭與短亭

春行

十日春寒未出門梨花引我過前村人生得意須酣賞莫惜衣襟
浣酒痕

過村西感作

東風吹客出衡門遠近苔泥上屐痕一寺香花新供佛三家水竹
舊成村依依鴿盡敦夫婦簇簇蜂都長子孫頓感前遊如隔世幾
迴却立迴銷魂

清明

淡烟微雨近清明
到了清明喜又晴
野外遊人頻載酒
林中布穀獨催耕
寒山寂寞前賢壟
斷石模糊去宰名
且趁井泉與槐火
新

茶揀向竹爐烹

又作

高歌一曲酒頻傾
贏得清明欲半生
慢揀柳楊修故事
從教絲管開春城
花迷野路連枝放
鳥隔幽林盡意鳴
况復南山多爽氣
明

朝擬作踏青行

清明後一日作

跡苑飛騰讓後生
空過四十二清明
兩鬢已非鴉色黑
一心還托鶴頭耕
好山當戶果如笑
幽鳥向人時自鳴
除却詩書何有癖
此

言終恐負長檠

溫州府志

讀元遺山論詩詩戲題其後

情知春草池塘句不到柴烟糞火邊元詩度事雨絲風片主雞栖

豚栅鎮相連見湯臨川本傳

春遊

一徑入陰森春風快獨尋鳥啼當畫水人語隔花深嶂遠雲多變
磯斜水半沉酒旗飄不定宛宛引詩心

春暮

晚晚春將老蒼茫足密陰鶯啼紅樹靜客夢綠窻深劫看棊中換
愁交酒外沉笑凭詩作譜非是事高吟

春雨有懷輓轡格

細雨滯花天相思夢渺然江湖春水遠洞壑暮雲寒草色迷孤屐

楊枝感少年濛濛何限恨盡日寄憑闌

馬安山人詩高

并工官又善畫故單取二三畫皆云員皆

暮雨

虛檐含宿雨蕭瑟惜花殘
綠暗叅天樹黃添裂石湍
春歸雙鬢晚夜入一燈寒
不那懷人意昏昏感握蘭

即事言懷

夙齡少小謝塵嬰何心前身說
向平攬勝一樓詩當盡論心千古
死如生惟耽石色連松色且喜書聲雜
紡聲不是無為尚黃老只

緣天道惡竒羸

獨往

獨往溪西覽物華東風一路酒旗斜
梨花比我年還大莫笑疎疎
不着花

又雨

暖氣透重簷須臾雨又添
登時綿袷換觸處水雲兼
樹濕花空戀

纓

溫州府

天

佐草欲粘春寒依舊是下幙避風尖

尋春

盡日尋春不見春
拈來逐處物華新
柳如年少真名士
松似歲寒
老丈人千嶺淡
濃休讀畫萬花
飛舞那言貧
古今豈少殘生客
幾箇能消自在身

月季花

不愧佳名月月紅
一年長放粉牆東
芳沅豈藉栽培力
氣得深知造化功
春暖柔枝看
娥媚歲寒小
朶憶玲瓏饒
他姊妹花無限
名七姊妹十姊妹
蓋薔薇類
只恐冬心未必同

腐草為螢

本是無知物如何
倏化靈百年慚
小草終古感
流螢舊跡空
露前途自聚星
盡看光影烟
誰念色痕青
夢入池塘靜
機生暑氣冥

馬安山詩高

齊工官又善畫後序

溫州府志

風流憐廢苑
瓠落笑浮萍
莫以飛揚健
全忘朽腐腥
好追藜杖火
相對照明經

賦得蛺蝶

轆轤體未有
施之排律者
予因戲擬一
首蓋不妨自
我作

古也

滿地落紅菲
雙雙蛺蝶癡
多情穿樹去
得意向花歸
疑疑隨風遠
深深戀晝遲
春生高士夢
影繞美人衣
古色滕王畫
新腔祝女辭
香頻草際披
綫迴愁宿雨
無計奈斜暉
跡恐遊絲覺
心惟弱絮知
那禁三月暮
應悔一生非
浪蕩憐何底
悠颺恨不支
西國烟篆靜
獨愛上堦飛

楊枝

唱新桃根葉
楊枝復柳枝
春風三月暮
萬樹綠絲絲
宛宛烟含處

備然空幻化相爾
自忘機於每筆端

霄

園

濛濛雨過時一番看長養幾度惜腰支絮盡漫天舞條終到地垂
無心同碧玉有意隱黃鸝馬繫斜陽晚船迷別岸遲愁空樓外凭
怨入笛中吹共悵殘花老遙懷舊板危不禁年少去徒自寄相思

雨

炊烟不出窻雨氣未全降柳葉風更候桃花水徧江消寒圖剩幾
乳子燕來雙極望飛雲暗齋鐘傍晚撞

絕句

雨趁落花飛潺潺帶泉響乃知茅屋人於此得真賞
滿壑嵐氣深濛濛空翠滴要求萬變圖靜向雨中覓

賦得天然圖畫

大癡雨圖意未老烟嶂画即使妙入神總是尋常派焉知真宰真
昏旦潑墨快變幻在須臾真色長不壞風雲入奇懷頗添詩酒債

馬安山詩高

并工書又善畫致得此三畫皆之真賞

溫河不飽

眼穿重重花想極非非界了不勞卷舒終日向人掛却憐賞鑿家
此心抑何隘若非化去偷即是寒具誠到度天公公待人無等殺
繚白與紆青四時不愁敗代謝成古今健行道匪懈如恐弄藏煩
收付鬱華曦遂更新畫圖金碧人休怪晴巒疊翠嵐古樹懸蒼砦
風傳何處鐘松和是間唄落花趣蝶飛竒石待人拜萬象本天然
物生深狡獪是何造化兒竟不顧疲憊有如麻姑爪為我搔癬疥
有如金莖露為我消芥惹乃覺趣無窮蒼茫徧兩戒憑誰繫免烏
坐禁歲時邁洗盡長年憂不復訝露薤或聽幽禽啼或看飛沆泮
九地共九天願盡餐沆瀣徧野長桑麻素心絕無瘥終日歡逢間
相賞足幽話何須傷過眼須彌亦纖芥一笑舉似人端免愁盜賣
腐草為螢

不必判為化生生物總靈只今看腐草依舊現流螢候到皆隨雨

鍾

時來欲附星天機
微燦爛地氣徹瓏玲
豈是精遊幻非關血變腥
重憐燈燭小賸憶燒痕
青扇影覓何處書聲照
幾經池塘交掩映
莫笑夢魂醒

山行即景

泠泠兩足趁輕颺
一路沿尋化日遲
土厚竹無斜出笋
崖高松有倒懸枝
遷喬獨愛鶯求友
識主頻勞燕哺兒
更自看雲隨意坐
此中消息遣誰知

奉祝廣文翁藍田先生六十壽

藍田先生人中英
此心真比嚴江清
嚴江釣臺高百尺
千秋萬歲空釣名
先生家住嚴江近
小少讀書窮道蘊
奇才本屬間氣鍾
不樂浮華樂真隱
秋山偶折桂一枝
姓名從此人爭知
往日指困欽戚黨
只今經術重人師
一麾愛得覺宮靜
那說頭銜水樣冷
此行

溫州府志

若為雁山來賤子終為敝邑幸書聲鄒魯憶宋年素餐孰稱廣文
 羶多士何福陪杖履先生有意深陶甄傳經自是多文富桃李芝
 蘭交映茂放螺乍合化人緣週甲欣推仁者壽七絃溪水如讓廉
 雅副先生更隱兼蒼松舊已龍鱗古不妨論伴潛夫潛宿昔君
 宗尊伯起三鱣赫赫標青史欲將三語替三鱣福壽康寧與男子
 先生大笑喜氣多道君歌罷聽我歌承平自有凌雲筆但願鬚眉
 黑不皤

蟲聲新透綠窓紗

滿地蟲聲發宵來覺倍加乃知春氣煖休怪耳根譁遠近初傳蚓
 公私莫辨蛙尖隨風片利滑併月波斜透壁空憐紙穿窻詎礙紗
 雖非秋信到乍亦別魂賒寂寂懷前夜依依憶那家惱人更漏亂
 懶復剔燈花

園

笋者上番成

欲種琅玕竹成先者上番乍驚泥迸笋旋見籜辭根氣得清明厚

時分穀雨蕃依然脩鳳尾渾爾泰龍孫信藉花風報禪孤玉版論

頻回愁咒客轉望喜遮門蚤本三餐禁遲休一例存而今深長養

那數渭南村

窓中列遠岫

遠岫極玲瓏窓虛一望通渾疑排闥似直與列眉同氣合闌干外

春收匿匣中何須求畫本即此是屏風几隱朝陽爽花園暮雨空

悠然忘障礙窈爾盡西東趣欲招遊屐聲還應爨桐多知非面壁

笑費十年功

新竹

為護檀欒竹春深懶啓扉短長歡解籜高下喜成園嫩慢隨龍去

馬安山寺高

并工自天喜區改屏取七字畫音云員會

溫河不也

迥

柔寧學鳳飛虛心應自好直節莫疑非
 雨洗猶餘粉風吹乍散馥
 雌雄新作對子母舊相依
 得主我何敢名林爾度幾人來
 三徑靜
 詠續五君稀但使清無俗何妨瘦不肥
 古今千戶想笑送幾斜暉
 震為簷簷竹

震秉東方氣春來應竹根
 粵雷驚稚子惟消帝出龍
 孫色竊青雲
 迥枝揉白雨繁平安消決躁
 長養重鮮蕃外直標天道中
 虛蘊化
 元三才叅律呂六子長乾坤
 說本超名象詮休落意言何當
 捧著
 草靜對此君論

初夏月下作

一罇靜夜賞清和不向花前喚
 奈何月好依然當戶白
 詩清豈果
 飲茶多百年志趣空禽慶終古
 功名自伏波坐恨半生腰腳弱
 韶
 華盡付墨消磨

夏雨雨人

坐對空山雨知時悟術仁公私皆雨我遠近正當旬麥盡秋迎潤
苗都入新夏新沾濡周萬戶決洽徧羣倫澤下何論尺膏施豈讓
春自然看暑解真箇覺肌淪喜會如坡記霖還念說勻暈思忘帝
力小補不須陳

夏雲多峰奇

靄靄復溶溶雲生百廿峰不須登虎豹聊自對芙蓉遠疊南風迴
深含夕照重飛來何處驚嗟起幾潭龍拔地高無着摩天廓有容
梁從雌霓架節旣化人逢異比非烟厚奇真入夏鍾會看靈雨作
尺澤沛堯封

蘭虎

上山蘭正收巧製負嵎倚但覺形成虎莫憐氣食牛爪添并剪利

馬安山寺高

新工自又甚這致耳來二三

毛借雪絲柔逐逐寧馮婦眈眈自馬頭空分禪客小猛絕使君愁
 信有鈴堪繫知無鬼與謀雄心纏縛盡銳氣控搏休好續端陽綫
 何須問玉鏤

書帶草

葉葉帶形疎端疑可繫書如蒲分澗底似韭長春初未入桐君錄
 惟生鄭氏居祥真和氣致夢笑筆花舒化若隨時雨抱披應辟蠹
 魚於今榮萬古自昔育三餘漫把裙腰比終憐翠薤如光陰難爾
 挽坐愧綠縈裾

觀劇作

萬古乾坤等夢餘巍巍將相上場如吾今悟徹無無肯不復騎驢
 去覓驢

車水謠

温州不

夜起車田到日晡芒芒那有剩工夫堪嗟踏斲玲瓏骨只恐河乾

汗亦枯

遊山

登臨乍喜遇晴曦眺盡山巔更水湄混茫江浮元氣遠青蒼樹度

夕陽遲無腔短笛呼牛急一綫深苔隱磴危笑指石門如果啓此

身願入不然疑

端陽坐雨

逐日瀟瀟雨濯枝端陽無事坐尋詩香分九子蟬聯撥午倒千秋鑿

落厄競渡風猶傳越絕纏絲命莫挽湘纍笑他萬畢饒奇術誤盡

淮南竟不知

以竹筒引水戲作

破費南山竹幾株連筒引得省工夫從今題徧新蕉葉那怕微凹

古硯枯

澆澆瀑瀑滿甕輸果然有味勝醍醐夢餘日試煎茶水笑禁清冷

入酒壺

雨中

一晴不終朝一雨動累日寒雲亘空飛宿霧自牖出林昏暮嵐蒸

水暗漁舟失蛙龜鳴上堦薜苔青入室微醖生衣裳餘潤滋紙筆

潮溼筋骨弛熱薄肺肝疾淺醉禁浮蛆孤吟付抱膝且慕啓期三

休媿中散七即作甘霖觀何事苦雨述夢殘試新茶一笑坐捫蝨

夏雨即事

一雨昏昏晝不知鳥啼綠樹倚闌時過牆新竹尚含籜隔鳴晚花

初滿枝小閣日長香宛宛空山人靜夢遲遲多閑那識偏多病却

檢方書竊自醫

溫州市圖書館

WENZHOU LIBRARY

聽泉聲作

脩筒引水繞厨鳴
夜坐能教夢思清
渾似坡仙醉翁操
惜無人是

沈先生

又咏

繞澗穿岩屈曲鳴
天風如送玉琴聲
就中偶竊淵明趣
靜枕無絃

卧月明

謝友人送白蓮數枝

照水亭亭絕點塵
重勞拚送數枝新
疑當月白風清夜
宛對錢奇

歷落人賞外
翛然消暑氣
吟餘倍爾悟
天真茫茫代謝知
何處擬

向烟籠了淨因

苦熱

赤日燒雲石亦焦
熱蒸邃宅幾曾饒
空云薤簟波同滑
那覓砂灰



清
平
中

蘇軾詩

蘇軾詩

雪並消雨斲思請龍井水心煩想踏浙江潮問誰借我較毫禱壹

任秋陽作意驕

納涼山中

境靜山空暑莫加繞樓况復樹陰遮涼多豈啓門甘露習定非叅

佛釋迦澗蕩日光搖壁遠竹隨風勢入窓斜堪憐逸趣無人覺儘

拚豪華鬪紫紗

夜坐

炎消端賴酒三升露坐新秋爽氣澄犬吠隔牆憐暴客魚喧深寺

笑高僧明河北明七夕將填鵲月滿南湖欲采菱愧對年華傷老大難

忘獨有讀書燈

雨後

雨逐殘雷斲虹隨返照明涼蟬當暮急遠樹與雲平雪滑初嘗糴

釵陳正換棚依依憐小犬
隔岸吠人生

西軒暮詠

歸雲擁島幻竒峰勝景當軒攬不窮
樹曳殘聲蟬避鵲山明返照
雨收虹從嘲竹下非高士但擬滄浪作主翁
到底難禁湖海氣浩然依舊恐罇空

秋夜

小池殘暑退露氣與涼俱澤國天形潤
晴郊草色蒸風疎蟬欲斷
月遠樹疑無那覓悲歌士眠雲共唱于

閑中漫作

日向壺中特地長閑中景物費評章
沿池石髮晴添翠過伏桃笙
夜覺涼釀熟不妨招酒戶雲深何必訪仙鄉
比鄰喜值俱收穡碎
煮珊瑚透竈香

照草山人詩

戲吟

赤稻登場興不孤
當秋日日煮珊瑚
飯餘笑撫空空腹
庶昔時宜

負大蘇

小滄浪居

舊居新號小滄浪
足濁纓清雨不妨
甘拚冥頑同瓦石
幾能雄放

到歌行高眠飽
食漸年過覽古懷
君忝月長且喜悠
然孤往際快

風健助北窓涼

山中雜詩

幽壑滿斜陽
涼蟬鳴古宅
清風如故人
殘暑似去客
不知秋何來

一葉應梧碧
流年那可禁
忍為浮生役
不見遠近山
蒼然尚如滴

惡能懷百憂
坐使乾坤窄
從人巧經營
吾但適吾適
與其兄事錢

胡寧文拜石

兩
歌行之行庚
顏不叶

夜中大雨戲作黑猪雲歌

一猪出海烝涉波一猪登天奔渡河樹頭風鞭少女過斗復一
猪一猪重重疊上如飛梭連天迷漫雲氣和劈空雨勢深滂沱
刻簷溜如瀑拖渴溝老洩交盈科吾想雨生龍兮非生他此龍
乃名猪婆吾今遊戲偶作歌唯龍神靈休譴訶還祈從此零雨
多三農額待蘇晚禾龍兮龍兮心如何

瓜田晚禾遇雨得揀喜而有作

雨久憐晴稀晴長恨雨絕如何雨月間旱氣倍溽熱樹如燒痕焦
田作龜紋裂老龍不出潭幽潛深卧穴遂使蘊隆天愠並汗珠結
我家有瓜田欲犁已踰節非關揀故遲只因水田缺昨幸渡河雲
若憫望霓切宵分沛沱滂高下鳴泱泱天地本無私汪濊徧閩浙
預卜今年收會比去年別慚愧淳于言豚蹄毋乃褻

蚤秋

葉落梧桐第幾張
秋風日日釀新涼
山蟬不識時光晚
兀倚高枝
眩夕陽

舍北漫興

古樹風過策策鳴
秋迴爽氣落高城
夜長漸漸添清夢
年大微俗

減情暮野時披烏
掣畫涼江獨守白鷗
盟孔顏樂處談何易
且逐

樵漁畢此生

短歌

萬里沉沉天漠漠
東烏西兔自生落
坐擘渾然一氣中
始信蠢靈
同此託君不見昔人
辟穀求神仙謂能不死
得長年試問千秋與
萬古若箇飛仙別有天

長歌

繁星滿天光灼灼
明河浸白將填鵲
何須騎鶴上揚州
共此乾坤
共此樂濁酒浮衣
冰雪涼風松水竹
韻鏗鏘於時興
發愁甕竭欲
呼北斗斲天漿

秋來

萬壑涼風吹習習
疎蟬響乍臨
秋急暮軒酒渴呼
烹茶繞檻青縈
烟縷斜人生有命
休恨拙大地茫茫
等一瞥何如箕踞
日斜頭唱
斷無愁又莫愁

新秋即景

熱氣薰人汗浹肌
如何高樹未涼
歸寒蟬枉自迎秋
咽
蛩雁徒然
作乙飛果熟山中
棠棣少田腴屋外
稻梁肥杖頭拚買
黃壚醉
足酣眠絕是非

食桃

枚

大如碧盞小如盃半綻肥紅絕類梅色膩渾疑餐碼碯香濃直擬
雪玫瑰花憐人面當三月實竊仙園笑幾回莫是前身老方朔饒
今猶得飫殘杖

旱

旱天雨勢多神龍不肯出古洞有老蛟飛騰挾妃匹怪雲滿四空
不獨西郊密上帝封江湖盜水法不恤豈敢將頭顱止賴試嚴律可
憐無雨雲深沉但藏日樹間風似號海外雷如叱須臾逐衆蛟奄
忽歸窰室頽雲轉眼空萬峰自翠律滿地仍斜陽孤城吹箏策

寄石璜溪

去冬作別悔匆匆此日思君望眼空兩地星河勞夢想三秋翰札
賴與鴻百年世事悲歌裡萬古人情冷爨中好記岩前桂花發一
尊遙待賞心同

照華山人詩

...

送女薇回婿家

瑟瑟秋風撼碧柯
中年無奈別離何
堪憐咫尺歸寧女
欲去難禁

兩淚多
送送回家淚滿襟
只緣婉弱轉關心
此中別恨憑誰訴
一度憐兒

一度深

却羨高人向子平
婚男嫁女一身輕
脩然敕斷家中事
五嶽峯頭

撒手行

早夜

滿野繁星映樹明
西風庭事尚無聲
生憎汗氣空蒸雨
不分漢歌

却道晴土著渾愁
嘉種早況神那識
長官清饒他竹馬
兒童樂賭

賽猿猴鬧市城

秋旱

高安山人詩稿

浙江省立圖書館藏

大雨時行雨竟無豆棚黃落菜荒蕪誰知夢盡涼風外尚恨伍頭
氣不蘇

秋山雜詠

開秋無幾日到處鳴寒蟬山氣澄清景竹風涼娟娟片雲載雨霽
殘照媚遠天斷虹巨斷澗五色光相鮮目極無窮趣流觀心浩然
芄芄黍苗壟翼翼秔秫田遥祈今歲收會逢勝去年好酒釀多甕
判醉夢遊仙

時序不我貸悠悠將仲秋候雁又南征雲中哀響流衆鳥有言托
羣飛欲養羞我豈能高蹈耽隱樂林邱只緣心日拙遂覺身無求
渾似信天翁俟真立滄洲有則固所願無則亦自由
杖筇出門去去上屋後岡盤院據怪岩壑風襲人涼長嘯落飛鳥
高吟答蜩蟬舉頭望天外山山疊夕陽須使成今古那保壽命長

何論王謝燕哺子飛尋常

一葉下梧桐秋色未蕭索池荷自在香紅衣半開落脩脩過西園

薄暮試行藥瓜蔓花垂垂豆棚葉漠漠屋角生雞冠樓頭熟鴨脚

沅眇意無窮微吟心不惡但憐爽氣添轉忘秋陽爍望雨雨偏稀

頽雲依舊攔任田塍龜紋高田竟何若坐此增愁懷反羨渾沌樂

老天久不雨旱氣似沸湯田泥與草岸濶如虎口張遠近眺郊原

黍稷日以黃枯魚泣河中波臣亦彷徨長官日虔禱至誠格上蒼

旱天多雨勢奈遇雷禁當過此若不雨恐空億萬箱過此若得雨

可卜一年糧不道竹馬兒皇天號噶噶群擁白泥猴燈火馳村鄉

何幸感天意頤賜雨滂滂雖然河未益小救農夫忙倘能下數四

臉臉成豐穰好教五日報題作十分詳

雨洗新秋出樓頭繞諸峰遠青隔夕照近綠留雲封紅泉瀉斷磴

馬安山寺高

新工自文書畫改單那二三書畫之真言

柱

琴筑交瑱琮寒蟬非絕響秋期代涼蛩瘦骨對竹石西風吹虬松
振衣起逸想立地謝塵容即此驂鸞去尚挹浮邱踪觀水遵海若
攬勝登岱宗千年準一日到處策詩筇高崖編題名別盡苔蘚濃
小借方壺住猿鶴勞相從耕烟種瑶草呼取蒼精龍但許仙客至
不許俗人逢那知溪外寺薦送一聲鐘頓覺依然我岩岩舊龍鍾
乃笑芙蓉主由來非老農
潭龍噓碧雲瀰漫徧天宇金鱗漏日光欲雨還未雨風伯偶助之
其勢遂莫阻猛然射向人渾似錢王弩陣頭壓山伍洗盡人間暑
高岩湧白波餅澗飛水桂溪溪決岬奔餘漲將入戶頓歇水車聲
盡釋農工苦端憐轉眼間秀色回禾黍平爭萬壑流都交河伯貯
頽雲載雨來綿亘蔽重嶺雨息雲逾深下欲壓人頂微風自西過
惻惻吹衣冷原野隱重陰樓臺延暝景幾度誤黃昏意忘秋日永

底事城頭角怪等蒲牢靜乍聽西洋鐘辰牌笑未頃
久旱得秋霖農生究何幸晚未競青蒼盡目浮煙冷既副霑足懷
終賴長官請一雨兆豐年豈與小補等老屋對平疇柴門臨水靜

忽聞稻花香笑摩兒女頂準待橙黃天圍爐飽說餅

驚風吹白日倏忽下西山圓蟾續東上依然又西還浮生如轉轂

袞袞去等閑此心非木石誰能將愁刪生憎鷄皮面容易容顏更

難禁霜雪不染頭髮斑欲繫無長繩欲閉無門關求僊劫終重學

佛緣總攄不如飲美酒浮沉書中間戲弄膝前兒何憂復何患

於小峨侄齋中聽自鳴琴作

自鳴琴出西洋大聲應宮小聲商是何妙曲音響長齟齬續續疊

疊內藏曲詳樂不淫兮哀不傷令人坐聽神飛揚誰知乃出纖漆

箱可闕可闔可闔鑰外匡就中機緘百鍊減細絲櫛比三寸剛迴環婉

轉銅管藏是琴非琴調鏗鏘何事陰姬與陽娃陰姬陽娃二琴名

狀常於涼天月下不鼓徘徊三歎巧莫當果然天錯非尋常一朝

浮海登舟航幾經蛟蜃真豔鄉真不脛走來平陽伊誰不贊技精

良吾想吾儕學古貴勤強慎莫荒嬉年少場豈可中國人堂堂不

若海外小道行只今靡靡聽此無弦琴一張中懷感愴殊孟嘗起

舞天地歌低昂吁嗟乎祗愁此情不能如伯牙不愁賞音不遇

蔡中郎

觀門蟋蟀戲作

爾亦梟雄輩公然落草間死生期一決成敗若相關國是憐宣德

軍機笑半間齊桓如或遇不式怒蛙還

南軒即事

杲杲怯秋陽南軒借雨涼天隨烟作供日以睡為鄉坐拙非違

俗生慵自畏忙可憐嵐翠重誰共潤荷裳

又雨

樟木潭雲蔽半空甘霖喜又徧西東
油油秀色千塍合灑灑歡心
四境同大地秋聲交蟋蟀高天冷氣落梧桐
只今添得真蠻樂斷澗長橋一棹通

雨後

迅雷壓住石潭龍頃刻雲消露衆峰
岸月白沉殘樹柳溪烟凉咽
遠山鐘芭蕉葉亂詩情溢秣稻花深
酒興濃坐愧讀書無所得蒼鱗空老手栽松

宿山寺

黃鴉穀穀雨疎疎小宿招提意自如
豈有聰明悟龍象惟貪寂寞
混樵渙溪聲夜入幽人夢柿葉秋添逸
客書若得男婚女俱嫁此

身誓伴梵王居

夜雨無聊坐懷同意諸子

涼雲薄暝暗通津雨點無端入聽頻萬事莫填精衛恨三生何補

阮咸貧當秋冷簞難為夢獨夜孤燈倍自親倘得聯牀常對語此

心終不悔因循

雨齋夜坐

幽齋獨聽雨潺潺瀑響溪聲合四山夜氣頻侵虛幌冷天心倍錫

老農閑夢銷綠酒紅燈外詩得寒雲落葉間不分在家愁莫耐羨

他淮海十年還秦淮海詩云十年欠通僧

對梧竹感作

青梧翠竹蔽崇岡不止鵝雛便鳳凰何事茫茫千萬古賞音獨有

蔡中郎

蟋蟀

莫以蟲么麼天教獨叫秋
幽閨驚懶夢古戍攪邊愁
夜靜飄風遠山空落葉稠
吾生終愧爾那把太音求

種花不活感作

異卉竒葩種屢萎籬邊塢外枉徘徊
堪憐命少者花福不復從人乞種栽

乞種栽

十四夜作

皎皎將圓月清光對影幽
但教常不夜何必定中秋
露下衣隨濕波浮酒共流
遙更應已盡誰禁獨夷猶

十五夜作

月滿中秋夜晴逢自古難
騷人皆把酒賤子獨加餐
時止萬里樓臺迴三更
草樹寒何能控黃鶴下上快遊觀

十五夜半雨作

萬里中秋月照人
惟半宵豈真天
邈邈同此雨
瀟瀟興更如雲發
歌還把桂招陰晴
知蚤定不怨隔年遙

十六夜雨作

日晴夜竟雨瀟瀟
滿閣松風欲化潮
霧外冰輪終自好
雲中桂子更誰飄
涼蛩有又笑鳴秋
獨老鶴還憐入夢遙
却愛山妻能伴我
茶餘對話忘明朝

驟雨

海上濃雲起
(車砲) 猛然驟雨看
龍翰蔽空直下三千弩
平地橫拋百萬珠
壯氣豈能追小杜
豪情何敢望髯蘇
新歌但答天公意
莫陋耕田識字夫

感作

温州府志卷之...

放

坐對斜陽念跡陳衣冠面目若為親噫誰肯恕陶潛醉憾我空知
管仲貧豈有沙虫成瘕狗終無鹿豕伴幽人非關歲作悲秋客悟
徹悠悠獨愴神

姑惡歎

昔有姑惡鳥傳是弱魂婦身罹惡姑惡化鳥鳴頻冤終日依密箬
口苦含血痕如將萬古恨聲聲訴晨昏女嫁欲有託姑惡難具論
醫姑亦有女彼豈無璋尊此心實憐愛此意誰為言坐使他人女
生孤父無思比鄰尋常見雨淚不敢吞况當遭虐毒此生怎得存
事善尚不當事拙何敢怨奈彼乖戾性匪石不可反頓令古今人
愛女悔姻婚竊憶於翁詩尚期世教敷但云妾命薄不將姑惡讓
那知熒熒息承順甘履盆堪哀天地大屈死幾淑媛我願姑惡鳥
高飛鳴帝闈休再生人世為人長子孫子孫好求伴蟾兔化為鳳

高安寺高

浙江省立圖書館藏

溫州市圖書館

WENZHOU LIBRARY

作芒

黑草山人詩

與鶴

九月十五夜月下作

把酒銷愁愁益力	桂花始殘菊花未放	溪遠肯與留連趣共淺	即色兮色即空	指出了甜鄉又醉鄉	桂樹年年好墓上	悲歡幾遇陰晴與圓缺	斷人世烟茫茫九原	澄潭黑佈視一氣深蒼	天風吹空寒欲力	與鶴
青山繚繞目空極	蕭蕭落木浩無邊	言獨愛陶淵明此中真	顛倒妄何如渾沌迷	汁淋漓聊復爾	歲歲疎有人作達忘	是過隙駒壽非金石	那起坡翁說秋光	星辰隱現乍有止	夜色際天青無極	
夕照寒翻		意絕不辨	西東撫心却吐丹	天地運無窮空	死悟徹天龍禪一	身馬如月中	果讓春光悅幾經	孤鶴忽爾掠空去	白雲散後彩雲消	
							離合與	掠空去叫	冰蟾冷浸	

詩文卷之五

鴉陣黑秋風坐感葭蒼蒼半生羊等臧穀亡流年叅罷桂無隱又
對黃花信渺茫此中深意奧難說肯逐俗人相容悅紅葉從飛谷
口陰白雲任補峰門缺碌碌雖非轅下駒悠悠自笑身何如無聞
歲向詩情老不動心憐酒盞疎俛仰萬古誰不死蓋代榮華入彈
指凭闌忼慨發高歌呼起山靈吾勸爾閱人成世天無窮黃土白
回首空迭為蛙人迭為客浮雲富貴風西東孫登獨嘯驚音遠嵇
阮幽情尚覺淺始信天機活潑時水花鏡月那容辨

秋暮感懷三次前韵

壯士翻車笑無力驚飈吹日下西極
秋氣染林丹還見暮山

浸水黑沿溪兩眼迷煙蒼鐘聲豈管存與亡人心自生愁漠漠暝
色如赴秋茫茫滿懷冷落將誰說柳慘蛩悲助不悅黃墟咫尺邈
河山一曲那禁唾壺缺跛足鼈非汗血駒千里奔馳何能如名韉

已負奇兼慧利，勒終慙拙并疎。故人三歎分生死，落落星堪幾屈。
 指九天涼露濕衣裳，澆澆酒痕徒爾爾。平生未肯哭途窮，萬古前
 後身總空。若有神仙年不老，長繩繫日常在東。會心入境心亦遠，
 不問蓬萊水清淺。但祈禱秫十分收，搶地培風懶置辯。

山中即事四用前韻

不知不識忘帝力，高哥擊壤樂無極。連缸木酒駐顏丹，滿榻茶烟
 縈髻黑。天寒山色共蒼蒼，坐索佳句如逋亡。醉中往往墮夢寐，秋
 光况復深冥茫。意消言忘不可說，紙閣蘆簾相媚悅。顧兒莫讀計
 然書，勉事耕耘彌我缺。十年老馬又生駒，笑鯨厲人怕。恐如悠悠
 敢祝公卿貴，泛泛惟憂骨肉疎。乃翁未必超生死，且倚田園飽百
 指。倘能家學續坡仙，邁過适遲終望爾。詩人豈果坐詩窮，詩到工
 時囊任空頑。愚那會屠龍技，甘隨牛僧隱牆東。薄田刈納知不遠。

却立西風喜寒淺蕭疎古柳帶斜陽送盡歸鴉笑能辨

憶昨行五次前韵

夙齡好遊不惜力登峰往往必造極出門未到日三竿盡興時終

近昏黑仰望翠微橫蒼蒼詠歸雙屐忘齒亡城闕寒透烟霧霧牛

羊遠映天茫茫一片玄機深莫說不生不滅超禪悅豈有謝公山

水心聊且塗鴉補天缺風流那得趙伯駒為我圖成樂水如冥搜

造化細收拾貌出尋常意氣疎天地無情劫終死山色溪聲指非

指但覺高歌有鬼神獨羨少陵能爾爾年來自愧筋力窮勝情勝

具兩俱空某水某山邱壑願徒將饒眼飽西東殘陽欲沒層陰遠

曲渚波寒浸天淺飛鴻一一向瀟湘萬里秋心杳莫辨

與吳齋侄對月六用前韵

山風落木健有力吹上冰輪如太極顯氣彌天雁鷺寒重陰滿地

蛟螭黑鬚眉坐照成老蒼屈指故人幾在亡秋光浩蕩魂欲斷那
 問牽情夢渺茫爾休法學生公說不是石頭總不悅薄寒中人起
 添衣米汁呼填彌勒缺半生已作伏櫪駒懶拙何人能我如狂言
 會怨陶潛醉禮法馬禁阮籍疎只今獨護渾沌死任人盡誦工
 指即有千秋萬歲名何若尊前歡汝爾共笑文人職例窮我不文
 人何屢空貧富新分巷南北弟兄舊隔屋西東情通萬里亦非遠
 况值天寒杯那淺月光幽映縱悲歌流水高山子自辨

戲擬寄遠曲七用前韻

候蛩叫秋力復力怪底不平何所極淒淒切切亂斜陽坐逼層陰
 入戶黑遙想雲海空青蒼芳草天涯夢有凶魚沉尺素鴻雁絕
 林關塞交茫茫萬里相思向誰說鏡裡容顏聊自悅何時破鏡飛
 上天一曲刀鏢不虞缺人生莫嫁千金駒風流夫婿浮雲如功名

未上凌烟夔骨肉先教繡閣疎愁深終拚為情死錦字徒然勞玉
指魂消遠道思綿繚那禁枯桑桑枯復爾寒來暑往會有窮渺渺
愁知何日空即是化作隻飛翼凌風依舊迷西東良時不再悲人
遠將海比愁海尚淺焉能玉筋積闌干暗釀清醪遙寄辨

登山脚小園八次前韵

山肩巖巖瘦無力步繞西園感秋極孤峰石氣杳然深遠映夕陽
逼天黑籬笆呼補蒼筤蒼新植舊根幾淪亡黃土泥鬆風重殘冬
昔蓄情茫茫此時心口相與說藜藿怎比芻豢悅富貧貧富逐浮
雲獨有菜根能餐缺流年難繫似白駒悲秋意味宋玉如哀哉所
過無故物焉得鬢髮不凋疎荷花依舊守紅死却愛孤松撫十指
暮天搖落氣蕭條不見古人愁乃爾江山無盡遇豈窮萬綠那得
會真空長歌激昂挽明月此心繳印茅屋東灌園雅尚家風遠擺

馬安山人詩高

徹印茅屋東灌園雅尚家風遠擺

溫州不刊

落俗塵樂不淺教兒休謬矜聰明菽麥種多未易辨

憎蟹

臭蟲臭蟲臭莫當形狀么麼如琵琶上疑造物了無謂縱彼徒使
勞搔爬沙蟲豈是小人化生長子孫寄牀罅吮人膏血嗜人膚毒
比蚤蚊絕代謝夜半夢回癢徹心呼燈下榻展轉尋那知智巧殊
蟻蟲穿穴蟠踞深復深今欲借佛三昧火燒殘臭類問何躲不然
大醉學劉伶天地為廬卧亦可

醉吟

鶻突固宜安懶拙優柔無奈近糊塗白雲紅樹青山遠且自招尋
入畫圖

九月廿五夜作

海月生殘夜寒光照戶幽斟將十日酒賞此十分秋露冷王孫草

風淒季子裘不增身世感獨為桂花留

桂至此始開

自和

不作非非想難逃一鑑幽夜迴三徑冷天入五湖秋宿有劉伶頌
何須李白裘片時成萬古那惜徹宵留

晚桂

桂放滿山空紛紛白間紅香疑天外至夢豈月中同氣助精神王
時參造化公休生遲暮怨前後總秋風

戲作

西門豹與董安于一佩弦兮一佩常我自笑吾迷緩急焉能與俗
不相違

勸何山人酒

蒼蒼雲松落落綺皓百年三萬六千朝骨髓誰能長美好君不見

溫州不局

地

醉	願	還	昨		鼓	初	非	魚	何	受	春
中	人	少	宵	見	瑟	生	人	鳳	知	忙	風
仙	月	年	見	月	與	兮	推	未	瓦	與	至
	雙	尊	月	月	君	日	噫	為	盆	君	兮
	依	中	團	團	張	初	乎	樂	注	偶	百
	然	有	圓	圓	絃	出	願	碧	莫	爾	草
	嗚	酒	今	今	歌	上	此	簫	問	成	芳
	呼	且	宵	宵	蟋	山	暮	金	主	相	秋
	與	須	見	見	蟀	遲	暮	管	人	遇	露
	彼	飲	月	月		兮	朝	焉	一	山	兮
	死	囊	缺	缺		下	朝	能	月	北	百
	抱	內	半	半		山	相	催	笑	山	草
	獨	無	邊	邊		疾	終	乃	幾	南	黃
	醒	錢	月	月		宛	古	信	回	聊	春
	名	莫	缺	缺		其	君	清	請	小	秋
	萬	問	等	等		死	休	風	看	住	遞
	古	天	閑	閑		矣	息	明	蓬	情	壇
	何	但	重	重		他	酒	月	門	歡	天
	若	念	滿	滿		人	畏	不	今	那	行
	騎	此	好	好		入	罇	用	始	惜	健
	鯨	去	人	人		何	壘	買	為	畫	日
	捉	二	生	生		不	又	玉	君	又	月
	月	萬	誰	誰		相	不	山	開	錢	交
	生	日	復	復		逢	聞	倒	烹	興	馳
	作	賸				樂	人	處	龍	發	

自笑

自笑雕蟲是逢秋亦倍鳴如將無限思和此不平聲古體還今體

長復短更乃知天地氣旦夜得來清

蛩

獨夜漏沉沉秋蛩叫不禁草間寒露重門外宿煙深少婦當窓意

高人對榻心桂花消息杳屬爾寄芳音

絕句

黃金自足蘇秦貴白眼誰憐范叔寒我偶興懷因觸緒休將哀樂

笑無端

咏古

桓桓范公子歛麥回蘇州道逢故人喪纍纍葬無由孤窮向誰告

宦海空悠悠何幸遇公子弔存重諳諷仁義根天性一一替預籌

馬安山寺高

齊工部文集卷第七

即爾矯父命贈麥無遺留從此故家樞魂魄依山邱歸來稟阿父
首言逢喪舟上下數具棺不頭得歸山頭欲葬囊無錢欲語誰為謀
乃父忽聞此曰爾與麥不既痛故人故忽使貧無求此行爾有麥
何不盡數酬吾非市義名任恤古所優三歎父與子風誼高千秋
乃知公宿願本先天下憂

秋夜即事

月落烏啼後幽人尚未眠未參彌勒汁燈證老婆禪不問菊花晚
從他桂蕊偏靜中消妄想一味只宜烟

却笑

却笑謀生拙孰同蔣花栽葯老牆東此身已隱文焉用不復多辭

擬送窮

桂花過重陽始開

偃蹇空山不受私風光忽到盡人知飛遊直覺神仙妄
處嬾何傷
雨露遲三五依然明月滿九秋如補菊花期一尊相對深
相賞獨
為濃香卧後時

聞蛩怨

茫茫徹夜夢魂醒候逼寒蛩叫那停獨是五更燈暗裏
月殘風曉
不堪聽

瘦羊隻引向溪邊喫盡胡麻惜不鞭笑本牧羝人後裔
何妨衣食
學神仙

九日雨

四望濛濛雨山高不可登菊邊誰送酒雲外自歸僧得句
非邠老
悲秋似少陵絕憐哀興漸減飛騰

仄

點草山言

九日雨後戲作長歌

寥天不雨雲漫漫滿山濕葉風吹乾翠微蒼蒼徑犖确松濤謾謾
 峰巒屹石泉穿罅清道意嵐氣撲人怯衣單興來如贈往如荅烟
 景相引勝無端胸中雲夢吞八九况乃錦屏與馬鞍處爾欲登白
 木屐厂空崖反俱遊盤何如邇來疲恭甚碩碎奈尚腰脚酸發丸
 起倒已如此捫巖踐苔馬不艱聊且開軒坐遐覽以目代足當遊
 觀縛雞之力雖無有把盞覓句能為歡即是詩情有時盡酒囊齧
 甕終自寬不妨養吾浩然氣朝昏恣眺何愁彈有時决背直入飛
 鳥外意中惆恍披圖省洞庭木落秋色遠夕陽欲下孤舟寒白雲
 清霽斂天末萬里月照楓葉丹老雁叫羣野葦冷疎星侵曙江霞
 殘城頭鼓角催不斲歲月迭嬗興未闌遮莫疑笑涉非想乾坤今
 古交凭欄日拚破費三升酒風光物態供盤桓焉能行愁復坐歎

却擬叅軍歌路難獨拾此心何宜楸從他薤露悲溥有誰來顧蓬蒿者寄語甜鄉昔昔安

秋日偶成

眇眇悠悠感隙駒讀書真悔少工夫葵花向日菱隨月就裡陰陽格得無

讀史戲作

我欲學軒岐未飲上池水深懷濟世心那救越人死

醉詠

且盡一宵樂休懷千歲憂腰從家令瘦淚豈閨仙流草樹風聲急樓臺蜃氣浮古今如瞬耳身外復奚求

秋述

秋天蒼兮秋氣清秋風涼兮秋月明星光淡兮河遠橫高樓迥兮

夜深更空山無人兮犬聲松竹蕭蕭兮候蟲又鳴楊柳綠暗兮冷
浸沙汀芙蓉自落兮蓮子自生南雁未來兮西鳥獨驚徑悄悄其
靜坐兮幽思泠泠動盧仝之逸興兮雀舌新烹烟颯颯而不散兮
一縷飛青潤燥吻兮健詩情添爽氣兮通仙靈魂魄兮冲然欲
升意翩翩兮萬念都澄顧身世之兩忘兮夫何感乎廢興等乾坤
於一粟兮又何較乎重輕呼黃鶴兮刷修翎乘白雲兮厭龍腥忽
嗒然而長嘯兮劈空飛行杳不知其所之兮言將歸夫玉京左挹
浮邱兮右拍彭鏗舞起旋波兮曲奏玄靈我本善爽之徒兮原得
秋氣而成形兮屈宋之香草兮眠食騷經襲長夜之悠悠兮惟畏
炎蒸喜蟾兔之流光兮照我獨醒乍雄風之四至兮涼浸茅亭羌
樂極而忘疲兮恐冰輪之不我停恨村鷄之亂促兮奈欲繫而無
繩領通宵之清福兮趣孰能名從世人之夢夢兮我姑酌彼金醴

宜分三首寫

聽	滿	壑	之	松	風	竹	雨	兮	究	何	殊	乎	壺	嶠	與	蓬	瀛	窈	願	夜	夜	常	如	此
兮	撫	縹	縹	其	曷	能	月	難	長	圓	而	不	缺	兮	夜	難	不	曉	而	長	冥	與	其	對
攘	攘	擾	擾	之	面	目	兮	怪	醜	堪	憎	何	如	向	黑	甜	而	小	住	兮	鄉	問	化	城
諦	塔	鈴	之	對	語	兮	付	風	月	之	自	爭	卧	梅	花	之	紙	帳	兮	隔	疎	影	之	層
層	神	似	水	兮	心	似	米	熱	不	入	兮	涼	不	勝	習	寂	定	兮	學	高	僧	謝	妻	孥
兮	吾	將	與	宜	楸	為	朋																	

懷友三章章四句

灑	灑	白	露	瑟瑟	丹	楓	我	思	故	人	憂	心	忡	忡	山	川	杳	窈	日	月	如	馳	不
見	故	人	悠	悠	我	思	洞	庭	木	落	甌	海	水	寒	故	人	不	見	我	心	則	殫	

九月前韵

莫	涯	生	涯	不	努	力	睡	魔	天	縱	優	游	極	非	關	蟻	穴	夢	侯	王	只	綠	任	慣
甜	鄉	黑	松	筠	轉	眼	倏	老	蒼	吾	身	本	屬	何	有	亡	草	生	木	腐	自	邈	邈	蠅

馬安九人詩高

齊上言及善語改耳取七字讀聲長員首

營狗苟隨茫茫解頤詩尚慚匡說且借篇章渾漫悅一錢任笑阮
 囊空日藉心聲塞愁缺兒曹健似天馬駒持家霸子頑弗如鴻妻
 况復歡偕老那計悠悠涉世疎古今三劫佛總死豈怨指不若人
 指茫然運命悟伊誰望斷斜陽無有爾子雲清淨偏憂窮昌黎骨
 鯁亦愁空焉能心似古井水波瀾不起何知東卅年望道終憐遠
 食蔗食齏味兩淺南亭坐送草萋萋夢外是非不足辨

十用前韻

膏腴翼翼盡人力村復村分色安極畿日西成一望中飢鴉已啄
 空田黑平河遠露波蒼蒼渙舟烟外去疑亡欲落未落夕陽晚寒
 山自繞野茫茫優游杖策憎塗說鼎鼎流年滋不悅三生誤破色
 界天那得女媧石補缺高歌聊自學綿駒一曲聲出金石如但覺
 愁心沿路散焉知古意向人疎非關欠擬東坡死自愧鉛刀終繞

指不是求田問舍翁媪任恤何能爾側身天地嗟丁窮比鄰族
黨叵奈空汪汪滿日淚沾臆溪南未往徒言東遊悵緬羨向禽遠
五岳蒼茫自深淺何當布襪共青鞋庶免逢秋悲九辨

十一用前韻

壯齒不恒空目力乃知三命皆有極蒸火未然太乙青雪花微染
崑崙黑溪山不改色蒼蒼樗櫟亦隨劫火亡尚念此心堅匪石浮
生那禁夢茫茫道遙竊愛漆園說適所適兮悅所悅却怪人情比
海深海深尚有天包缺朴拙甘作木偶駒湔湔閱盡入六如覩然
焉肯學范蠡寧拚利名向我疎從他壽後天地死家累千金勞十
指我自惟爭爝火光飲酒讀騷姑爾爾五湖烟水浩無窮釣徒一
舸身外空浮家泛宅本宿願何分南北與西東天寒野陰風景遠
塊然坐局高情淺但教歲暮歌慨慷不必隱將大小辨

田家詠

萬稼如雲黃已熟
家家排日欲收穀
今年大地盡豐年
不惟飽死
侏儒腹力田疲
茶莫辭難霜風寒
勁好加餐為君
高歌陶公句人
生衣食固其端

咏漁翁

漁舟遠繫蓼花灘
柳貫鱸魚換酒還
一路行歌歡拍手
笑他老圃

靠青山

夜咏

山銜斗柄夜欲極
撼樹霜風乍寒逼
起視長天獨倚樓
東雲氣如墨
黑五更消遣付
新茶松風蟹眼試
嫩湯此際深味
人不覺惟
有塔鈴語丁當

一笑

温州府圖書館藏

厚

歲近無聊不復愁
畢逋依舊向田疇
徒然意拙朋松石
度免身勞作馬牛
好夢幾能醒白日
空山何必覓丹邱
年來得力詩并酒
紙閣蘆簾一笑酬

恭題芝圃高太姻翁松林壽喜圖并

寄祝八句榮慶

莫是當年綺里翁
蒼蒼携幼對雲松
何勞石室遺丹訣
豈向仙家問節筇
共仰坐茅非釣渭
還看種草更呼龍
鰕生瑣瑣漸姻婭
只恐東塗似薛逢
大隱何曾興俗違
年高絳老况如飛
鴛鴦喜尚承梁紫
燕翼忻貽續萊衣
厚福自徵仁者壽
龐眉真覺世間稀
前身舉似陶貞白
應聽松風笑度綈
亭亭却問種何年
從此逍遙羨息肩
白眼那知天下老
青山原屬

地行仙已欣日月踰三萬旋復春秋紀八千不獻交梨并火棗盡

推得力是心田

盤桓遠憶十年前飽德頻頻醉聖賢語笑舊歡陪杖履丹青今宛

奉周旋披時我亦甘松石閱世公休感海田但是未能親拜祝隔

江怨寄紫芝篇

雨望

長林颯沓偃風色暮雨瀟瀟不知極平田濕繞稻孫青在渚寒沉

菰米黑潭龍尚噓雲氣蒼海外島嶼遙如亡烟波浩蕩白鷗没千

里萬里入溟茫高樓盡日資消遣獨坐酣歌事流眄渾如墨潑未

家山一片模糊秋不辨

與內侄金話舊作

十年未到瑞安城舊事重聞涕欲零遙想飛雲江岬柳料應不改

別時青

山中看紅葉作

山南山北多楓樹，歲歲秋深秋色露。
 訝許霜飛染，又成欲言青女無。
 尋處豈是前身骨，似仙丹砂飽鍊，句漏天。
 楓人不隨雷雨化，却逐鴉舅相新鮮。
 一年一度換顏色，咫尺杼華周八極。
 老笑世間人不如，若箇暫醜非酒力。
 蔽岡遮岬赤如霞，珊瑚大齊枝交加。
 雖無壽比千春樹，却是紅勝二月花。
 蒼茫坐對斜陽暮，海風瑟瑟催羲馭。
 烟嵐空自鎖秋光，浮世那禁年少去。
 從來行樂湏及時，携朋載酒休延遲。
 况當紫綠千萬狀，此境一失何能追。
 縱然人面輸葉好，寧使閑飄等秋草。
 奇情入手敢然疑，願與靈楓相守老。
 萬山無際接丹邱，疊疊重重一片秋。
 我本多情如杜牧，白雲深處亦神遊。

秋夜遣懷

憧憧不免意西東四十無聞悟半空但願竒方求煮石焉知小技

悔雕蟲千秋跡寄飛雲外名渡一歲愁深落葉中非是夜闌猶秉燭

此生尚欠讀書功

暮秋寄興

白雲孤嶼遠依依適性何妨絕是非霜榻夢魂寒不借藥畦秋色

老當歸惟將酒國黃封毋豈感羲輪碧落飛笑與青谿詩思異唐李

涉號青歲陰嘆不噫愁幾

初冬夜詠

微霜初下冷侵肌起撥寒灰向大思終古談元無石解半生悔過

有燈知途窮阮籍歌當哭性任龐公拙更癡睡鬼愁魔縱書遣非

關夜夜獨眠遲

感舊

溫州府

鬢齡忽憶在甌時戲耍無端詭餅師故跡只今如夢寐生涯依舊
似奔馳美人命薄皆黃土華髮年來亦素絲卅載茫茫空幻泡聊
收碩碎入新詩

登揖峯亭 擬作

携朋重到揖峯亭玉笛淒涼不可聽獨有隔江孤嶼色依然向我
十分青

西溪夜歸

月上西溪夜二更山風撼撼峭寒生江邊獨雁隨雲落岬外閑人
擁鼻行的皦水明穿荻大玲瓏霜老隔籬橙歸來自執仙鸞尾細
掃松釵把茗烹

南樓月望

五里山城隔絳林高樓孤凭月沉沉溪明遠樹疑渙立壑隱驚鳥

篋

馬鞍山詩

感客吟照地寒光迷雪色浮天冷氣結霜心問他十一回圓夜到
庭何人賞獨深

戲作

年來慕佛讀傳燈稍悟西方最上乘骨肉要着如陌路仇雠須待
似親朋叅將鏡樹歸何有問到輪迴避不能自笑吐絲蠶自縛糾

纏姑作在家僧

仲冬夜作

逝水年華又仲冬歲寒筋節見青松江村夜靜惟聞犬月砌霜深

忽有蛩碧泛琉璃茶乍熟紅分琥珀酒初濃明朝事有明朝日魂

礪何勞謝嗣宗

谷口閑步

谷口尋詩去沿堤步落暉碧雲連海隱黃葉滿山飛石氣冷侵坐

苦

痕香染衣悠然吾與點竊擬詠而歸

興永嘉表舅父彭瑞安內侄金夜話作

剪燈相對話艱辛不獨劉盧是世親姓字長湮誰重賤田園未盡

那容貧將來已任兒曹福現在休孤我輩身喜值甕頭桑落熟竹

根到手莫辭頻

月下閑詠

皓月溶溶爽氣澄宵分霜下覺寒增梅心未放春無色澤腹初堅

夜有冰坐愧豎儒孤處士空懷行者是高僧悲歌那復傷遲暮我

本人間十不能

山風料峭滿庭柯借酒銷寒醉碧螺霜夜沈寥鴻響少海天空濶

月明多微波照影驚流急故物關心奈老何培盡無餘身外事死

生佛亦似頭陀

馬安山寺高

浙下省水書畫院藏

温州府圖書館

WENZHOU LIBRARY

月中閑望

青山悄悄水潺潺
遍野霜風帶月寒
石路晴來黃葉滿
湖田穫後碧雲寬
鴻飛得勢音何遠
栢老凌冬性莫干
忽念故人應健飯
夜中可共夢平安

生涯

生涯落拓愧無能
命在空教辨廢興
那禁田園更姓氏
終悲手澤負高曾
明知儉與勤俱得
其奈愚隨歲共增
重恨情根何世種
人天誤我昧前曾

天誤我昧前曾

戲改杜樊川作

行樂及時時未晚
對酒當歌歌又成
千里暮山重疊意
一溪寒水淺深情
達人嗜飲終為累
浮世工詩亦是名
不若岩阿絕塵好
梅花帳裏夢縱橫

温州府圖書館

夜中咏

一樓月色映山清
笑索梅花逸興生
夜半驅寒憑酒力
年殘洗耳
賴松聲雖然相未空
人我却已心兼絕
利名珍重烹茶還煮粥
共醒深忝孟光情

又作

澗水淪漣入夜寒
驚飈撼戶思漫漫
望中月湧蒼松壯
夢外梅啼翠羽殘
豈有詩篇傷歲暮
惟分等芋火守更闌
年來頓悟身無用
只乞平安一枕寬

歲聿云暮梅花盡
開諸君各為俗務所縈
不能同賞戲作此
以寄懷

萬壑沉沉歲欲殘
溪梅破臘獨衝寒
當花但覺高歌易
對月空憐好會難
翠竹真成君子友
蒼松豈戀大夫官
如何繞屋相孤負
且

約來年補盡歡

對月感懷

皎皎溶溶白滿村
寒天愛月倒金罇
霜威似水身疑洗
皓犬如螢

手借溫好友不來
當歲莫積逋難盡
自田園今宵且享
今宵樂但

咏新詩付子孫

月夜詠懷

月明滿前溪
微颺動松吹
落葉響飄蕭
寒霜凍山翠
孤鴻冷不鳴

卧犬縮如帽
遠漏隔城沉
幽人仍未睡
獨影自巡簷
笑索梅花地

舉頭看斗杓
即近將回次
舊債逼殘年
因循姑且置
經營從家兒

庶免登臺避
非我甘途窮
惟本拙事事無
能癖煙霞兀
待新年至

行樂云及時
此外何足識
既翳遇良宵
肯為塵事累
坐忘十指僵

起漉甕頭試一罇
入爐溫携向梅邊
醉上下水天空
何者孰非寄

溫不

况我眇然身真與蟻無二焉用爭利名等閑生嗔恚萬古石火如
奈何費心意蝸角并蠅頭那須工笑媚一旦黃土高回首愚智不
若趨健強山泉賞聊恣愁襟當酒消窮愁倚詩去豈學阮嗣宗頻
洒猖狂淚耐久續青燈筆硯不我棄著書仰屋梁此語談何易但
自謬高歌何心言風刺美景恐難留雄鷄啼又既水輪已平西山
鐘撞遠寺羲和弟與兄蚤整扶桑轡從茲拚酣眠一夢付遊戲

次夜又作

皎月照溪西清霜滿天地冷氣中人寒酒力薄難繼如何狐白溫
到此失煖勢却羨老梅花暗香動簷際繞屋雪霏霏不怕風尖利
自嗤瘦形骸獨立乾坤細好夢斷羅浮高歌追衡泌坐送白雲飛
難將斗柄繫亂鷄叫不休曉角吹初既迨迨指扶桑笑念日出未

月中即事

慘澹冰蟾色寒深萬古餘照人愁欲盡望遠歲將除宿靄當空淨
高樓向曙虛鳴鳴霜外角氣咽凍何如

又詠

可惜通宵月年殘殘只自看新梅臨水白晚菊傲霜寒酒滿腸空
洞詩成夜渺漫無能休我笑樂得夢三竿

對梅有懷

寒雀啁梅梅已開梅花樹下獨徘徊金罇浸月侵空倒玉笛吹風
春欲來滿地夕陽人渡浮溪疎影水潑洄會難別易心千古那禁

霜鐘暮暮催

漫興

非為愁多卧故遲只緣習靜好吟詩月光照户清誰惜霜氣侵肌
冷獨知幾度檢書燒燭短無端尋石正牀欹勸君熟悉王維句世

事浮雲煥莫癡

舊債已畢作此以示群兒

積逋初盡贖田園終恐清貧累子孫為語兒曹交猛奮補牢須趁

角蹄存

窮通有命不由人說法無端苦現身自念才疎如襪線黑貂敝任

補蘇秦

不仁不富兩須知舜跖分塗此六時好把脚跟深立穩家成纔稱

我家兒

不寐至曉作

燈大接蕭晨高吟動四鄰亂鴉啼樹遠初日照窻新水落斜溪色

梅分隔嶺春殘年知已近無計謝囂塵

登屋後山頂作

萬里雲澄眼界開
峰頭遠望向登臺
天邊鳥際寒蕪沒
海外帆隨返照來
碧澗泉聲連石凍
紅爐酒力把春回
梅花未必風能勒
想是香留獻歲裁

獨酌

獨酌高歌招隱篇
山空四望意愴然
寒聲假樹生幽籟
煖氣先春入舊年
千里人孤終夜夢
一月賸此回圓問
誰肯向潭心照共
悟澄清徹底天

蠟梅花

蠟梅當臘開一色
寒破臘幽契結虬
枝冷光融蜜蠟磬
口與檀心豈怕霜
颯颯微香泠泠吹
好夢回春榻索笑
靜巡簷建枝夕陽
合有如入空山古
洞對老衲言并味
觸忘影不縱橫雜
照眼愁頓消關情
興如荅年殘翳無
人深趣寄酒榼詩
從石外尋屐向苔
邊踏

温州府志

忍教讓綠公倒掛飛還
匠却將天地心等閑任開闔

○銷寒雜詠

歲將暮矣竹窻紙帳燈火
燦然獨坐無聊悶懷日積
昔阮步兵冑中醜醜惟酒
可澆予不善飲遂易之以
詩日作日多論語無倫次
蓋由悲樂不常景光時變
統錄一帙即題曰銷寒雜
詠云爾

生涯贏得紫芝歌屢空何
須怨奈何看取妻孥免交
謫端憐此福得天多

三間老屋一溪雲盡日青
蒼對此君到庶多錢勝趙
壹者囊常有半千文

窮冬頻自喜加餐薤白菘
滿瓦盤不是平生無一戀
夢魂早已醒

邯鄲

詩書廿載久相拋肯擬劉公論絕交獨愛方兄情最厚能迴春氣入蓬茅

少年孤負讀書燈却見長檠動畏憎轉眼無端稱耐久舍君終問更誰能

菊花尚自傲霜遲忽又新梅報滿枝不分微吟托情愫惟期共結

歲寒知古牆荔挺龍鱗冷深澗松摧虎骨枯滿眼竒情吟不得非真悟到

并錐無北風蕭瑟動前林霧鎖南山深又深累日偏知天釀煖丰成微雨

半成陰甌東氣煦接天南子月猶如三月三非是依簷將背曝但隨捫蝨

助清談

榮

西園和露摘黃柑坐向南榮引小男去約東鄰樵釣侶明來北寺

辨三三

景氣如春尚未春小桃夭冶杏苞新問他幾世能修到得與梅花

作後身

夜氣高褰宿靄收微風習習獨行幽星光下浸澄潭水汗漫真成

物外遊

溪戶凌虛夜氣淒竹松騷屑迴成迷詩魂夢斷遊仙枕坐送寒雞

徹曉啼

蒲葵獨自扇茶爐火逼松風滿座隅突與玉川分水厄惟澆兩碗

紫雲腴

未老筋骸半屬衰藥鑪間日煮參著著何堪更抱烟霞疾莫怪愁

深不可醫

滿野斜陽對掩扉
寒溪水落露渙磯
忘言日送冥冥雁
度事南飛

又北飛

坐唱長歌續短歌
流年莫繫縱蹉跎
村村掃盡淮南葉
漸覺蒼茫

落照多

慙愧年來懶是真
無書我自負交親
誰知卧到黃昏近
并少工夫

答比鄰

落落無成悔莫追
半生歲計有餘癡
行看此腹真空洞
不信如蠶

只吐絲

自笑迂慵付夢遲
惟將心跡答天知
家兒竟會勤生業
遠荷松欵

供晚炊

雨過南山長豆苗
鄰家各各復招邀
鋤田更種芸薑菜
打點燈油

替竹燒

溫州不

月落烏啼夜欲朝
風吹斗柄影如搖
寒霜遠積連溪白
凍住驂驪氣不驕
遠寺晨鐘帶月撞
渙翁蚤起釣寒江
鴛鴦不怕頻風冷
宿食飛鳴總自雙
禪心悟到有歸無
不許雞雌去伏雛
日日三餐供數卵
輪迴從此免烹屠
昏雲入夜蔽層阿
燭炮香銷奈冷何
獨坐儵然愁聽雨
那堪葉落已無多
瀟瀟暮雨暗江村
坐送殘年酒一罇
笑把菜園深檢閱
老菘生子芥生孫
寒花樹樹任風吹
抱幽香守故枝
何似山中有心柏
年年不受歲遷移

山風撲蔽撼柴關
靜夜寒生獨坐間
笑殺耽吟吟未就
半牀常負

布衾閑
此心如冰復如冰
氣冷波閑徹
庭澄却念終
翰黃叔度汪洋千頃

攪何能
寒燈綠縮凍無光
點鼠跳梁復上牀
悄悄夢回天未曉
鄰翁又起

飯牛忙
無邊木葉下山風
海碧天高一望空
盡把詩情細收拾
從人笑我

是冬烘
暮夜蕭條犬吠村
嚴寒徹骨火頻溫
心香一瓣燒初了
暗為梅花

祝返魂
衡門泌水是家風
辛歲優游境本同
解盡溫柔敦厚旨
不須終古

怨詩窮

累夜霜寒草樹枯
山空啞啞聽啼鳥
年殘釀得愁如酒
欲換冰心入玉壺

前身想是野狐禪
誤落聲香色界天
從此塵緣與情劫
不知解脫在何年

新詩作罷自悲歌
誰識毫端染涕多
却怪愁深翻變樂
樂來愁亦奈吾何

銷寒續詠

舊債已畢屈指年
無數日矣諸家務
兒子輩雖少頗皆能
粗理余則非卧即吟
因見舊簿頭空白
甚多戲欲限此題
編遂率爾塗鴉淋
漓滿紙隨得隨咏
隨書不倫不脊
職此故也乃繼前作
即題曰銷寒續詠云爾

霜飈獵獵漏沉沉
靜夜漫漫冷不禁
非是年殘詩思健
只緣愁逐

俗緣深

孤燈鎮夜耐宵寒不奈愁多夢不安聽徹雞聲三唱後問心亦笑

無端

晝夜推遷等逝波霜毛那奈黑頭何此心終愧張公藝識得人間

忍字多

宛宛晨曦逼曙紗遊蜂蚕已到梅花山人坐咏盧仝句滌盡愁腸

半賴茶

曙色深沉帶雨昏悶懷無那向誰論平生不識江湖味乍聽蕉聲

亦斷魂

古木寒鴉曉亂啼溪風入戶氣淒淒匡床布被催成夢那管黃鷄

白日迷

寒雨雲漠漠暗前村細雨梅花繫夢魂惟向殘冬尋好句不知檀

溫州府圖書館

板共金罇

年回物物露春光滿眼詩成自錦囊若勿故人分舊雨苔錢那得

綠侵牀

北風發發促年殘無限憂懷酒莫寬誰道窮檐容易煖米珠薪桂

替愁難

雨聲浙瀝繞書樓霧鎖南山水暗流却問窮冬三日盡並無人把

舊年留

屈指年無數日留浮生若箇猛回頭吾今但判齁齁睡不會為兒

作馬牛

細雨疑成雪米寒紙窓松火伴更闌昏昏得句頻呵筆凍入端溪

墨又乾

滿帚淋漓筆不停長宵樂耐短檠青休言白日昭昭去一樣浮生

仗恩

馬草山人言

夢共醒

坐唱蓮池七筆句此心無着早拚休三生誤入鴛鴦網却被多情

累白頭

蒼茫野色逼昏黃繞島同雲釀雪剛我本無能姑聽雨奔波一任

路人忙

藜腸已飽幸田園八口熙熙伏帝思準擬開年約朋好臘梅樹下

倒春樽

逸思中年近老龐耽空獨坐愛幽釭山僧底恐春來緩蚤又寒鐘

急急撞

竹外泉聲冷不飛遊人到此憺忘歸况雷雨霽添山翠併入浮嵐

欲染衣

幾回酒渴漱雲芽幾度詩枯潤墨花我自笑吾忙不了何曾憶劫

卷之...

溫州府...

悟洄沙

繞屋蕭蕭竹萬竿
伴人歲晚耐天寒
王猷如果心同好
去去來來

只管看

淒淒風雨惹襟懷
滿壑雲深對掩齋
坐教群兒安淡泊
桃花未

煮松釵

蔗境從他倒啖甘
心情漸似掛瓢憨
何知鋤月將梅種
但學甌東

手植柑

一枕遊春夢懶通
濃磨墨瀟咏東風
詩心似與燈無盡
妙合元精

耿耿中

心香一瓣欲灰初
仰屋何能卧著書
權借殘釵銷永夜
非關好學

惜三餘

古柳烟浮待臘餘
暮雲無際暗蓬居
灌園聊學於陵子
滿種春松

帶雨鋤

擊

好咏真同擊鉢催詩腸索盡恐年回風流却羨曹王子七步交推

屬上才

磊塊頻將茗椀澆夢魂夜夜竟難招新詩草破殘年薄那顧千秋

拉雜燒

霽色開雲照眼空江村宛宛夕陽紅一年好節將除歲誰復詩賡

玉局翁

閣

寒山掩映霧濛濛迴簾疎曙色通宦事幽情人不惜從吾收拾

渺茫中

滿壑瀟瀟雨意濃鳥聲啼斷碧雲重悠然欲驗春來未花信初開

第一封

瀟瀟一雨送殘年潤逼窻吟篆烟獨有道人無箇事閑將濁酒祭

軒

温州府圖書館

詩篇

兒童箇箇待春還竹馬歡迎水石間怪度連朝天氣煖東風已滿

七星山

竹外蕉邊屋數間山光鳥性樂相關邇來悟道無餘事惟向江頭

放鴿閑

連江暮雨暗冥冥繞野雲深鎖錦屏如識冬殘無日贖此時宜醉

不宜醒

人生逐逐自趨愁那禁新添雪滿頭我幸愚多非立異從嘲死不

何詩作休

徹夜潺潺雨隔牕新流端欲漲寒江遙思野岼隈船處昨暮匆匆

未繫樁

世情未必劇崎嶇自是才疎半類余不復從人論運命惟將一夢

馬安山人詩高

浙江省立圖書館藏

答華胥

滿城爆竹鬧喧闐獨喜蝸居隔市廛債畢并無閑客至烏龍籬外

亦安眠

淑氣迎春變等閑連朝黛染雨中山杜陵詩興青蓮酒盡在先生

筆舌間

日色平西夢尚酣廿年落拓卧花南詩腸冷盡名和利懶比嵇康

更不堪

一夜疎疎雨滴簷紙窗濕破漏風尖消寒自灑新紅缸面不怕明

朝酒債添

靜趣翛然似野僧蕭疎那顧俗情憎酣吟坐忘年新舊獨賴微

徹夜燈

廉纖夜雨繞幽齋土竈茶燒品字柴不是忘機耽靜境焉能耐得

此時懷

獨坐忘言絕是非南山爽氣挹朝暉不知昨夜風多少吹落梅花

到處飛

梅花滿地白鱗鱗點綴青苔自可人只恐客來生浪踐呼童隔戶

阻行頻

古鼎香銷篆半灰微煙似水碧縈迴凭闌欲舉看春日盡把樓窓

面面開

破費辰良六六時夢中作夢枉成癡吾今夢覺耽佳句寫盡霜毫

禿不知

舊年欲盡又新年轉眼春俄雨裡旋坐送人情如紙薄寧無高義

薄雲天

樹樹黃柑映橘紅悲歌一曲詠迴風薜蘿何處招山鬼枉費才情

擬惱公

白石文沙養水仙
花開對對絕堪憐
通辭不信微波遠
坐挹清芬

欲破禪

右持濁酒左持螯
萬事消除等一毫
能解優游聊卒歲
不妨對客

讀離騷

長亭本未識勞勞
早拚機心斷濁醪
醉據梧閑夢雨溪
痕任長漁沒

篙

不必牀分上下高
元龍意氣本未豪
世情屋促何須問
且共新年

食棗糕

歲歲臨冬便懶眠
一灯耐久照殘編
俗人那識心清白
只道愁多

是為錢

處處茅檐穀未箕
家家松帶濕毛燒
無愁竟把愁懷結
那得愁懷

溫州府志

并歲銷

連村犬吠雜雞鳴夜盡迨客尚行倏忽曙分林外望淡烟疎雨

濕春城

雨氣迷漫尚未休山泉紆縵繞階流藪和即速跋鳥出也只殘陽

半日留

守到三更歲未遷鷄聲一唱覺新年長檠戀戀燈光永忘却侵牕

曙色鮮

曙逼層簷鳥衆喧果然春至盡能言獨恠慧性非公治不得枝頭

仔細論

功名宿昔等雲浮自作新詞自唱酬薦檢光陰歸卷裡何心天地

托長留



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

0379